

新民叢報



中國近代期刊彙刊·第二輯

# 新民叢報

十三（捌拾叁—捌拾玖號）

中華書局

SEIN MIN CHOONG BOU  
P. O. BOX 255 Yokohama Japan.

# 新報

明治三十一年十二月二十七日 (第三種郵便物認可) 第貳千四百九十二號

第肆千三百一十一號

(原第八十三號)

光緒三十三年六月一日 明治三十三年七月二十一日



# 今世 歐洲外交史

(再版)

此書爲法國德比緇兒原著日本酒井雄三郎譯外交史中最詳博之作也  
本局託麥君重譯華文去年印出五千部經已售罄今再版印成研究外交  
之術者當必一覽也全部洋裝二厚冊 定價三元

總發行所

上海棋盤街

廣智書局



# 新民叢報第肆年第拾壹號目錄

(原第八十三號)

## 圖 畫

●美國加鐸寬尼省之禮拜堂

## 論 著

●日本豫備立憲時代之人民(完)

…… 飲 冰

○一 公義輿論之由來○二 四參議建議

請開議院○三 政黨之萌芽○四 國會期

成同盟會

## 譯 述

…… 二二

●最近世界大勢論(完)

仲 遙

○第一章歐美列強國內之情勢：第一節奧

大利匈牙利：第二節意大利：第三節法蘭

西：第四節德意志：第五節英吉利

## 譯 述

…… 四一

●心理學剖解圖說(續第八)(十二號) 湯 祖 武

○第二章知的現象

## 錄 雜

…… 六一

●勸告停止駁論意見書 佛 公

## 記 載

…… 八一

●中國大事月表

○丙午五月(補錄)

## 文 藝

…… 八七

●美人手

紅葉閣鳳仙女史譯述

○第五十八回念黨員傷心爆裂彈 憶世家

力護自由權○第五十九回示殘肢着落美人

手 維新體補叙黃金釧

## 雜 纂

…… 九七

●大清刑事民事訴訟法(續第八)(十二號)

○第三章民事規則：第一節傳案：第二節



訟件之值未逾五百圓……第三節訟件之值逾  
五百圓者……第四節審訊……第五節拘提圖匿  
被告……第六節判案後查封產物……第七節判  
案後監禁被告……第八節查封在逃被告產物  
……第九節減成償債及破產……第十節和解……  
第十一節各票及訟費(附訟費表)



廣告價目表

| 洋裝一頁                             | 洋裝半頁 |
|----------------------------------|------|
| 十元                               | 六元   |
| 惠登廣告至少以半頁起算刊資先惠論前加倍欲登長年半年者價當面議從減 |      |

| 報資及郵費價目表              |        | 全年     | 半年     | 季      | 零售     |
|-----------------------|--------|--------|--------|--------|--------|
| 報資                    | 五元     | 廿四冊    | 十二冊    | 六冊     | 二冊     |
| 上海郵費                  | 四角二分   | 二角一分   | 一角一分   | 一角一分   | 一角一分   |
| 上海轉寄內地郵費              | 二角     | 一角六分   | 一角五分   | 一角五分   | 一角五分   |
| 各外埠郵費                 | 一元四角四分 | 七角六分   | 七角六分   | 七角六分   | 七角六分   |
| 四川、雲南、陝西、貴州、山西、甘肅等省郵費 | 二元八角   | 一元四角四分 | 一元四角四分 | 一元四角四分 | 一元四角四分 |
| 日本各地及日郵已通之中國各口岸每冊     | 一角     | 一角     | 一角     | 一角     | 一角     |

編者 馮紫珊  
發行所 橫濱山下町百六十番 新民叢報社  
上海發行所 四馬路老巡捕房對面 新民叢報支店  
印刷所 新民叢報活版部

## 志願陸軍者鑒

今之志士攢眉蹙額議中國前途者動大聲疾呼於衆曰我中國者有五千年文明之歷史有四百兆靈穎之人民有廿萬種珍貴之物產有四萬里錦繡之河山美哉中國舉示五洲如華嶽孤峰高擢雲表下視諸國若衆孫羅列膝下矣夫翹如是之國度於大圓間而謂稍受戎馬蹂躪之災即滅迹銷聲不復能與群雄抗手行者必無是理此一說也然此說者祇炫我天然之長而未扶我人爲之短於論理未爲完備進而上之則有主以商業摧歐美之前鋒以工業攻歐美之中堅以農業倒歐美之糧臺者一方堅我之堡壘即一方衝彼之瑕隙或能回太平洋印度兩洋之貿易風使之撼歐美而淹沒其國度此又一說也然此說者雖從實業上着眼而苟無保護此實業者立其後則人將剝我商而瘠我姁我工而傾我絕我農而死我今不見我農工商尙未發達而人之槍影劍鋒已咄咄逼人來乎此昧於疾則治標之說者又有爲最新之論者曰國無高尚優美之政治則國勢必零落而衰頹無精確公平之法律則人民必蕩檢而橫行無純粹謹嚴之憲法則上下必疾視而鬩闔今我國處此如潮奔潰不可堵塞如火燎原不可嚮邇之時代當先以研究政治法律憲法爲主他皆所緩也此又一說也然此說者雖從大處入手而環顧今日列強耽耽動輒掣我手而扼我吭則亦未能任我改革也稅關問題其殷鑒也然則必如何而後可同人等乃放眼觀西歐諸國之或存或亡與東亞諸國之一興一仆而瞿然驚恍然悟曰欲保己國之獨立與執世界之牛耳者其兵力乎其兵力乎其德相俾士麥所言之赤血黑鐵乎印度之大與古不亞中國也而以無兵力故見殄於英國俄人之農工商非出諸國上也而以着眼於兵力故稱雄於地球德法兩國之政治法律憲法雖各有不同也而亦各不相下然德之兵力強常傾軋法國而欲覆其國而甘心則居今世界奈何不萬衆一心以組成一軍國團哉同人等聯袂東渡講武於日京東斌學堂者蓋亦泣血飲恨於宗邦之兵力單弱憤而出此也然

戰後日更欲擴張其現有之兵力以威懾俄使之不敢南下而飲馬於是往日之聯隊與士官學校聽我中國學生補入者今爲廣本國額而制限我矣聞其制限法每年祇容我五十人補入夫就振武一校言之已卒業未卒業者約五百餘人按年補五十必十年始補畢曾亦思十年長期地球之自轉者已三千六百次乎此三千六百次中地球上之戰爭不知起若干而息若干地球上之國旗不知興若干而滅若干地球上之人民不知生若干而死若干振武同學縱盡青年試問遙遙期限果何以待之乎夫日本土地之大僅及我十八行省之一而每年卒業於士官者殆近千人然猶有將材乏人之嘆況我祖國土地之廣人民之衆十數倍於日本以此少數之留學陸軍學生分配於各行省直不啻滄海一粟九牛一毛而傲然欲以此支將領之大廈雖至愚亦知其不可雖然內地學堂之陸軍學生其學術可恃猶可言也況乎不盡可恃而今且改爲武備小學矣夫際此需材孔亟之秋而取材乃必待十年以後瞻顧宗邦白人之牙脣方張歐美之風雲日偪瓜分蠶食日有所聞俄之兵紮我東北界者約數十萬英法之兵駐我西南界者約數十萬鼙鼓笳聲震人耳膜刀光旗影眩我眼簾我而不謀汲汲練兵我之國殆矣我謀汲汲練兵而不謀汲汲練將我之國依然殆矣同人等所見如此爰懇校長於本校自辦聯隊與士官學校功課經學校長歷商陸軍省始蒙允可其一切功課皆由同人與前畢業於士官之友人酌定學術各科並稱美備隊士官同教員則聘陸軍專門學校畢業之將校且曾經戰事學識兼優者所望有軍國民之志者投袂而來以助成此空前絕後之偉業嗟乎嗟乎高麗亡矣蟲弔箕子之墳越裳奄然薛蝕銅柱之身展緬甸之輿圖歷落有淚望暹羅之旗幟慘淡無光二國借以爲劃界地免壤地接而起爭端耳掩面一思得勿兵備不修任人魚肉之所致耶黃帝祖國漢家子孫其尙以兵學爲救國之惟一方法乎其尙以斯校爲研究兵學之惟一學校乎同人企首屏息以望

欲觀本學堂詳細章程者請移玉麻布區筭町七十九番地

東斌學堂但在內地者當另印行寄回

### 東斌學堂兵學同志會公啓





請看！  
請看！！  
請看！！！！

# 國事日報

八月初一日出紙總發行所在粵  
東省城十八甫西約門牌第六號

本報論說以(公)爲主不偏徇一黨之意見非好爲模稜實鑒乎挾黨見以論國事必將有辟於所親好辟於所賤惡非惟自蔽抑其言亦不足取重於社會也故勉避之

本報論說以(要)爲主凡所討說必一國一羣之大問題若遼豕白頭之理想隣貓產子之事實概不置論以嚴別裁

本報論說以(周)爲主凡每日所出事實其關於一國一羣之大問題爲國民所當厝意者必次論之或著之論說或綴以批評務獻芻蕘以助達識

本報論說以(適)爲主雖有高尙之學理恢奇之言論苟其不適於中國今日社會之程度則其言必無力而反以滋病方今朝廷宣布立憲本社於立憲事實必派專員以切實調查於憲政問題必詳討論以取資研究同人自當認定此旨以與我當道我同胞一商榷之

本報紀事以(博)爲主故於本省內地及香港澳門上海漢口北京天津均置特別訪事其餘各省皆有坐訪又日本東京特別訪事二員倫敦紐約德京法京各一員其餘南北美洲澳洲南洋非洲各埠皆託人代訪各事又香港上海各西報日本東京各日報及雜誌皆購備全份精擇翻譯歐美各日報亦定購十餘家備譯務期材料豐富使讀者不出戶而知天下

本報紀事以(速)爲主各處訪事員凡遇要事必發「特電」以供閱者先覩之快

本報紀事以(確)爲主風聞影響之事概不登錄若以訪函一時失實者必更正之

本報紀事以(直)爲主凡事關大局者必忠告報聞無所隱諱

本報紀事以(正)爲主凡攻訐他人陰私或輕薄排擠借端報復之言概嚴屏絕以全報館之德義

本報置(批評)一門凡每日出現之事實以簡短雋利之筆評論之使讀者雖無暇徧閱

一



二

新聞已可畧知梗概且增事實之趣味助讀者之常識

本報每張附印(小說)或自撰或繙譯或章回或短篇以助興味而資多聞惟小說非有

益於社會者不錄

本報設(報界輿論)一門凡全國及海外所有華文報章共六十餘種本報悉與交換每

日擇其論說之佳者撮其大意叙述之使讀者手一紙而各報之精華皆見焉此亦東

西各報館之達例也

本報設(外論精華)一門凡東西文各報之論說批評其關於我國問題及世界全局問

題者則譯錄之一如報界輿論之例

本報設(詞林)一門詩古文辭之雅者隨錄焉

本報設(商情報告表)一門各行市價專員採訪詳細紀載

本報設(口碑叢述)一門其有近世遺聞軼事雖屬過去亦予登錄以儲史料而資多識

本報設(談瀛零拾)一門凡世界之奇聞瑣記足以新我輩之耳目亦間錄焉本報於京

鈔及官私專件取材務博別裁務精要者不遺蔓者不錄

本報編排務求秩序如論說論旨電報及緊要新聞皆有一定之位置使讀者開卷即見

不勞探索其紀載本國新聞以地別之外國以國別之

本報編排務求顯醒故一號二號三號四號五號六號字模及各種圈點符號俱行置備

其最緊要之事則用大字次者用中字尋常新聞用小字用大字者所以醒目也用小

字者求內容之豐富也論說批評中之主眼新聞中之標題皆加圈點以爲識別凡以

省讀者之目力而已

本報遇有緊要新聞特別電報必常派傳單以期敏速

本報別類多取材最富既用各小號字排入尙慮限於篇幅不能全錄特於每日排印洋


紙兩大張不惜工貲以求瞻博

本館廣聘通人留局坐辦尙有特約寄稿主筆十餘人俱屬海內外一時名士議論文章

務足發揚祖國之光榮



美 國 加 錫 寬 尼 省 之 禮 拜 堂











論

著

## 日本豫備立憲時代之人民

飲 冰

自考察政治大臣之歸國。幾經運動。乃始有七月十三日上諭之宣布。世所稱爲豫備立憲之上諭者是也。其論文中既未指定立憲之期限。又未明言豫備之條理。且自宣布以後。殆將一月。而政府所以爲豫備之著手者。無一可見。惟反動之報。日有所聞。舉國志士。失望可想矣。雖然。論中固明言曰。今日惟有及時詳晰甄核仿行憲政。又曰。預備立憲基礎。又曰。預備立憲國民資格。其言果出於誠心與否。且勿論。要之豫備立憲四字。既已出諸政府之口。則自今以往之中國。字之曰預備立憲時代亦宜。顧豫備云者。匪以空言而以事實也。豫備之事實。政府與人民兩方面。宜分途進行。而人民爲尤要。何也。人民誠進行矣。則政府雖欲不進行而將不可得也。今博



論著

二

一二二八二

考東史。自明治七年至明治二十三年間。彼中史家所稱爲豫備立憲時代者。觀其人民所以對政府者何如。所以自豫備者何如。詩曰。他山之石。可以攻玉。我國民若能採日本人民當時所豫備者以自爲豫備。則今日豫備一語。雖使政府欲以欺我。吾信其欺之必不能久也。作「日本豫備立憲時代之人民」。

## 一 公議輿論之由來

考日本憲政所以發達。實由以公議輿論四字爲護符。而此四字之深入人心而成爲政界之口頭禪者。蓋已甚久。日本前此諸藩並立。而大將軍德川氏實總政權。及慶應三年。明治元年德川慶喜奉還大政。其表文中既有「廣盡天下之公議」一語。而幕臣松平容堂。德川氏之家臣嘗以書上慶喜。其第一第二兩條亦言「一切萬機。必當自京師之議政所出。議政所分爲上下。議事官上自公卿下至陪臣庶民。一蓋立憲之觀念。自幕府末葉固既已胚胎於士大夫之心目間矣。其後薩摩長門兩藩有連兵討德川氏之舉。慶喜再度上表亦云。「方今國家形勢。日瀕於危。臣愚以爲宜早與列藩同心戮力。採天下之公議輿論以定大公至平之國是。」慶應三年十二月十八日上慶喜所以爲此言者。蓋當時薩



長○二○藩○挾○公○議○輿○論○以○排○斥○幕○府○惡○幕○府○前○此○之○專○也○幕○府○亦○挾○公○議○輿○論○以○抵○制○薩○長○懼○薩○長○將○來○之○專○也○雖○各○爲○其○私○而○公○議○輿○論○四○字○其○勢○力○已○日○滋○長○於○無○形○間○矣○」  
明治元年正月初頒太政官職制有總裁議定參與徵士貢士諸名其貢士由諸藩各選其藩士貢諸京師大藩二員中藩一員小藩一員其職權則曰「執公議輿論以議事」其徵士則諸藩士及都鄙之有才者拔任之無定員其選舉之法則曰「據衆議以拔擢」所謂公議輿論之機關於茲始立矣其年三月其天皇御紫宸殿以五條誓天地第一條云「廣興會議萬機決於公論」政府以博採公議之旨明白宣布自茲始此實憲政之萌芽而後此民權發達之原動力也

按日本之誓文五條彼中稱爲憲法之憲法蓋後此人民種種運動其所以監督政府要求政府者皆援此誓文爲口實而政府所以不得自恣者亦此誓文息壤在彼故也而推求此誓文所以下頒之故謂必由其君相大公無我樂推權與民吾蓋未敢言之毋亦由當時士民之熱心於政治改革者既已隱然占有勢力而政府方欲殺舊幕府之勢不能不借重之以爲援耳而緣此之故人民復從而借重之以益長



## 論著

## 四

其勢力遞相爲因遞相爲果而憲政遂以成立。夫人民既有一部分之潛勢力則政府自不能不借重之以爲援。此我國民所宜知者一也。政府之所以借重我者我得復從而借重之以益長其勢力。此我國民所宜知者二也。今茲上諭夫亦既明有庶政公諸輿論之言矣。將來能實行與否則亦視吾人民勢力之消長何如耳。

## 二 四參議建議請開議院

日本當明治初元。公議輿論四字屢出現於政界。雖然。當知彼所謂公議輿論者。非屬於一般人民。屬於少數之貴族耳。其公議則諸藩之公議也。其輿論則藩士之輿論也。及幕府既黜。廢藩置縣之制既行。中央政府之基礎既定。其借重於公議輿論者漸稀。故明治元年設議政官。旋廢之。明治二年置集議院。旋罷之。自茲以往數年間。政府舉動日趨於專制。及明治七年。忽有四參議建議請開議院之事。國民之要求立憲濫觴於此。

初、明治六年十月。日本政府以征韓論生分裂。西鄉隆盛辭職。副島種臣、板垣退助、後藤象二郎、江藤新平、四參議繼之。朝局爲之一變。人心皇皇。不可終日。會有小室信夫、



古澤滋二人者。留學英國新歸。慕議院政治之美。乃說板垣後藤使建議。板垣後藤更與副島江藤商。約連署。卒乃以明治七年正月十八日上奏曰。

臣等伏察方今政權之所歸。上不在帝室。下不在人民。而獨歸於有司。夫有司上之未嘗不曰尊帝室。而帝室漸失其尊榮。下之未嘗不曰保人民。而政令百端。朝出暮改。政刑成於情實。賞罰出於愛憎。言路壅蔽。困苦無告。如是而欲天下之治安。雖三尺童子。猶知其不可。因循不改。恐國家土崩之勢。可計日而待也。臣等愛國之情。不能自已。乃講求所以振救之道。亦曰在張天下之公議而已。張天下公議之道。亦曰立民選議院而已。民選議院立。則有司之權有所限。而上下咸受其福。請言其故。夫人民對於政府有納稅之義務。則必當有參政之權利。此天下之通論。無俟臣等詞費也。故臣等竊願有司毋抵抗此公理而已。難者曰。我民不學無識。未進於開明。故立民選議院。今尙非其時。臣等以爲信如彼言。則所以使吾民學且智而急進於開明之道。即在速立民選議院。何以言之。蓋欲使人民進於開明之域。則宜先使之保有通義權理。使之與聞天下之事。而有自尊自重與天下共憂樂之氣象。如是而民猶安於固陋。以不學無識自甘者。未之聞也。計不出此。而待自學而智。自進於開明。是何異於百年俟河清也。甚乃或曰。今日而開議院。是集羣愚而已。嘻。何其自待太高而蔑人太甚也。今有司中其智謀勇功優秀於尋常者。固未嘗無人。雖然。又安知世無人焉。其學問識見更優於彼者。蓋天下之人。非可如是蔑視云也。將曰。可蔑視乎。則有司亦其中之一人也。均之不學無識。則僅憑有司之

日本豫備立憲時代之人民

五